



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA THEMELORE E MITROVICËS
OSNOVNI SUD MITROVICA – BASIC COURT OF MITROVICA

NË EMËR TË POPULLIT

P.nr.992/2018

GJYKATA THEMELORE NË MITROVICË-Departamenti i Përgjithshëm– Gjyqtari i vetëm gjykues Gëzim Ademi, me procesmbajtësen Hasnije Muhaxheri, në çështjen penale kundër të pandehurit A.P. nga ... në rr. "...", për shkak të veprës penale: Posedim i paautorizuar i narkotikve, substanca psikotrope ose analoge nga neni 275 par.1 të KPRK-ës, sipas Aktakuzës së Prokurorisë Themelore në Mitrovicë PP-II.nr.635/2018 të datës 20.11.2018, në mungesë të prokurores Natasha Taniq, në prezencë të të pandehurit me datën 27.12.2018 ka shpallur publikisht, ndërsa me 10.01.2019 ka përpiluar këtë:

A K T G J Y K I M

I pandehuri: A.P., nga i ati ..., e ema ..., e vajzërisë ..., i lindur me ..., me vendbanim në rr. "..." Komuna e ..., me nr. Personal ..., i shkolluar, i pa martuar, shqiptar, shtetas i Kosovës.

ËSHTË FAJTOR

SEPSE: Me dt.16.10.2017 rreth orës 19:45 në ... në lagjen ... në rr. "...", gjatë kontrollit të rregullt DHTM- Mitrovicë – jug të A.P. gjeten dy (2) qese të plastikes në të cilën ndodhej substanca narkotike – mariuhana (kanabis) e cila përmban tetrahidrokanabinol (THC) me peshe 15.61 gr.

Me këtë ka kryer veprën penale Posedim i paautorizuar i narkotikeve, substanca psikotrope ose analoge nga neni 275 par.1 të KPRK-se.

Andaj gjykata në mbështetje të nenit 7,8,9,10,21,46,49,51,52,73, dhe 275 par 1 të KPRK-ës dhe nenit 365, 450 të KPP-ës i:

G J Y K O N

ME DENIM BURGU NE KOHEZGJATJEJE PREJ 1 (një) viti, dhe dënim me gjobe në shume prej 300 (treqind euro) të cilat dënime nuk do të ekzekutohet nëse i pandehuri nuk kryen vepër penale në kohëzgjatjeje prej 2 (dy) vite.

Në mbështetje të nenit 275 par. 3 e lidhur me nenin 69 të KPRK-ës, dhe nenit 282 par.2 nënpar.2.4 të KPP-se, të pandehurit i shqiptohet:

DENIM PLOTESUES

Konfiskohen dy qese te substancës narkotike – mariuhana (kanabis) me peshe te përgjithshme 15.61 gram.

OBLIGOHET i pandehuri qe ne emër te shpenzimeve procedurale-paushallit gjyqësor te paguaj shumen prej 30 Euro, te cilat shpenzime i pandehuri është i obliguar qe ti paguaj ne afatin prej 15 ditësh pas plotfuqishmërisë se këtij aktgjykimi.

Kërkesë pasurore-juridike nuk kishte.

A r s y e t i m

I. Aktakuza

Prokuroria Themelore ne Mitrovice ka ngritur aktakuze PP-II.nr.635/2018 te datës 20.11.2018 kundër te pandehurit A.P., për shkak te veprës penale: Posedim i paautorizuar i narkotikve, substanca psikotrope ose analoge nga neni 275 par.1 të KPRK-ës.

Gjykata ka caktuar shqyrtimin fillestar me dt. 26.12.2018 ashtu qe ne këtë seance i pandehuri lidhur me fajësinë ka deklaruar: e pranoj fajësinë, me vjen keq për rastin qe ka ndodhur dhe nuk do te përsëris më vepra te tilla apo vepër tjetër penale, këtë e bëjë me vullnet dhe pa presionin e askujt.

Lidhur me pranimin e fajësisë prokurorja i ka propozuar gjykatës që të pranohet fajësia e te pandehurit nga se pranimi i fajësisë është i mbështetur ne provat te cilat mbështetësin rrethanat faktike te çështjes se aktakuzës dhe i propozon gjykatës qe te njëjtin ta shpall fajtor dhe ta dënoj sipas ligjit duke i pasur parasysh rrethanat lehtësuese gjate matjes se lartësisë se dënimit.

II. Vlerësimi i pranimit te fajësisë.

Gjykata duke vlerësuar pranimin e fajësisë nga ana e te pandehurit ka gjetur se pranimi i fajësisë ishte ne përputhje me neni 248 pasi qe i pandehuri kupton natyrën dhe pasojat e fajësisë, se pranimin e fajësisë i pandehuri e bene ne mënyrë vullnetare, pas sqarimeve te mjaftueshme nga ana e gjykatës, se aktakuza nuk përmban shkelje te qarte ligjore apo gabime faktike qe do te bënin te pamundur qe gjykata te beje vlerësimin e pranimit te fajësisë, se pranimi i fajësisë nga i pandehuri është i mbështetur ne faktet e çështjes qe përmban akuza, te gjitha këto për gjykatën përveç se vërtetojnë faktet e çështjes se akuzës njëkohësisht janë ne përputhje me pranimin e fajësisë nga i pandehuri, prandaj edhe gjykata e ka pranuar fajësinë nga ana e te pandehurit, këto rrethana vërtetohen nga provat qe gjenden ne shkresat e lendes si: Deklarata e te pandehurit me dt.16.10.2017, vërtetimin mbi sendet e konfiskuara me dt. 16.10.2017, mendimin dhe konstatimin e ekspertit te fornezikes me dt. 14.12.2018, nga e cila shifet se behet fjale për substancën psikotrope-drogen, nga te gjitha këto si dhe nga pranimi i fajësisë nga ana e te pandehurit vërtetohet se i pandehuri e ka kryer veprën penale: Posedim i paautorizuar i narkotikve, substanca psikotrope ose analoge nga neni 275 par.1 të KPRK-ës.

III. Vlerësimi lidhur me llojin dhe lartësinë e dënimit.

Lidhur me llojin dhe lartësinë e dënimit gjykata ka pasur parasysh se kjo veprë penale është e dënueshme me dënim me gjobë dhe me burgim prej 1 deri në 3 vite, andaj duke vlerësuar rrethanat lehtësuese dhe rënduese, kjo gjykate si rrethana rënduese ka gjetur shkallen e përgjegjësisë penale rrethanat në të cilat ishte kryer vepra penale.

Si rrethane lehtësuese gjykata ka gjetur rrethanat personale të kryerësit dhe sjelljen e tij pas kryerjes së veprës penale, gjykata ka vlerësuar si rrethanë lehtësuese pranimin e fajësisë e që nga deklarimi i tij me rastin e pranimit të fajësisë rezultoi se i njëjti deklaroi se e ndien veten fajtor ky deklarim i tillë i të pandehurit për gjykatën shpreh një pendim të thellë të tij për veprën penale, si rrethane tjetër lehtësuese ka gjetur se në të dhënat e shkresave të lëndës nuk rezultoi se ky i pandehur të jetë dënuar ndonjë herë për ndonjë veprë penale me ndonjë aktgjykim, prandaj gjykata vlerëson se bazuar në këto rrethana ky i pandehur kishte rënë ndesh me ligjin vetëm me rastin konkret ku e ka pranuar fajësinë.

Nga të gjitha këto gjykata duke vlerësuar të gjitha këto rrethana ka gjetur se edhe me një dënim të tillë do të arrihet qëllimi i dënimit ndaj të pandehurit pasi që për gjykatën në rrethana të tilla mjafton të tërheqja e vërejtjes me kërcënimin e dënimeve, do të ndalojë kryerësin që të mos kryej vepra penale në të ardhmen e që ky është edhe qëllimi i dënimit me kusht. Nga të gjitha këto rrethana kjo gjykate vlerëson se edhe me një dënim të tillë do të arrihet qëllimi i dënimit ndaj të pandehurit.

IV. Lidhur me shpenzimet e procedurës penale.

Lidhur me shpenzimet e procedurës gjykata ka vendosur që të pandehurin ta detyrojë që shpenzimet procedurale-paushallit gjyqësor të paguajë shumën prej 30 € (tridhjetë euro), të gjitha këto në afat prej 15 ditësh nga dita e plotfuqishmërisë së këtij aktgjykimi.

V. Lidhur me kërkesën pasurore juridike.

Për sa i përket kërkesës pasurore-juridike gjykata konstatoi se nuk kishte kërkesë pasurore juridike.

Andaj gjykata duke u bazuar me neni 248, 365, 450, të KPPK-ës nga arsyeje të lartcekura ka vendosur si në dispozitiv të këtij aktgjykimi.

GJYKATA THEMELORE NË MITROVICË
Departamenti i Përgjithshëm
P. nr.992/2018 dt10.01.2019

Procesmbajtësja :
Hasnije Muhaxheri

Gjyqtari i vetëm gjykues
Gëzim Ademi

Këshillë juridike: Kundër këtij aktgjykimi palët kanë te drejte ne ankese ne afat prej 15 ditëve ne gjykatën e Apelit ne Prishtine, nëpërmes kësaj gjykate.